

故宮
珍本
集刊

四川府州縣志

共十七冊
第十冊



故宮博物院編 海南出版社

故宮珍本叢刊第 214 冊四川府州縣志第 10 冊(共 17 冊)

故宮博物院編

彭山縣志
犍為縣志
峨眉縣志

海南出版社

新學堂
PDG

圖書在版編目(CIP)數據

故宮珍本叢刊.第214冊,地理.都會郡縣.四川,[乾隆]彭山縣志、[乾隆]犍為縣志、[康熙]峨眉縣志/故宮博物院編.-影印本.-海口:海南出版社,2001.4

ISBN 7-80645-983-9

I.故… II.故… III.古籍-善本-故宮博物院-叢刊 IV.Z121.7

中國版本圖書館 CIP 數據核字(2001)第 06697 號

故宮珍本叢刊第 214 冊

四川府州縣志第 10 冊(共 17 冊)

[乾隆]彭山縣志 [乾隆]犍為縣志 [康熙]峨眉縣志

故宮博物院編

責任編輯:李升召

*

海南出版社出版發行

海南省海口市金盤開發區建設三橫路 2 號 郵政編碼:570216

湖南省新華印刷三廠印刷

湖南省長沙市韶山路 158 號 郵政編碼:410004

本書正文用紙由金城造紙(集團)有限責任公司生產

*

2001 年 6 月第 1 版 2001 年 6 月第 1 次印刷

開本:787×1092 毫米 1/16 印張:27.5 印數:1-400 冊

ISBN 7-80645-983-9/Z·64

定價:3380 元(四川府州縣志 65 種共 17 冊)

本書如有印裝質量方面問題請與我社或承印廠聯係
我社為本書每冊(種)書新編的目錄均置於每冊書末

彭山縣志序

國家久道化成文教接於寰宇凡各省府州縣莫不考訂典故蒐羅遺軼加意於史乘或續纂或

創修郁：乎同文之盛事矣劒南遭獻賊戛劉之後兵燹頻仍尺板寸圖殘毀無餘亦仰荷百餘年之涵濡鼓舞守土

者類皆留心於補苴以存風土之舊以襄

化理之隆正方興未艾焉

丁丑夏彭山令

張君梧岡新修武陽小

乘綏舉目張屬稿已定而問序於余夫武陽自漢時犍為遷建以來沿革廢置遞更不一雍正六年復設縣治而隸于

眉梧岡宰彭綦久心周
閭井足遍津梁搜微訪
逸為養為教凡力可及
時舉行者無不亟起而
善圖之百廢俱興運於

三

方寸今以其心印者而
印諸梨棗宜乎分門別
類井井有條而籌利防
弊慎始憲遠俱有藹然
一腔真意流注于楮墨

間也昔眉山蘓老泉謂
修家譜者不在條例森
嚴而在真意貫通夫條
例猶作室之間架排列
固不可缺而非有真意

四

以各肖其地之情形闕
其人之痛癢直成印板
文章耳不幾等於魏
佛堂之徒設乎夫邑乘
與家譜有大小無二理

也武陽即蘓氏舊國舊
都菟裘所託今梧岡之
修志其無心而契合者
歟何其即小以通大取
則之不遠也予之方蒞

五

眉也梧岡之治績已有
成緒迨共事久而益覩
其真不惟舒不佞一方
之憂而且足以資同舟
者求瘼之助故樂得此

志而言其槩行見膺
殊擢而普陰膏張君乎諒
不能久歛此大惠于一
邑矣而繼治者手是編
而得其意之必存已行

六

者賡而續之未舉者意
而逆之則是印諸梨枣
者固可垂之永久非糟
粕之徒存矣豈僅分門
別類留往跡而啟來牒

已耶是為序

乾隆二十二年歲次丁

丑桂月

奉直大夫知四川直隸眉

州事海昌陳履長拜撰



七

武陽小乘自序

志何爲作乎所以敷宣雅化揚詡鴻
圖存之郡國以著一方之經制貢之
輜軒以備一代之典章甚鉅且重然
非躬逢盛世制作修明又奚所取資
從容珥筆以贊同文之治乎蜀爲天
府奧區金纏玉壘聖賢神明爲之淵
宅子長具良史才必西瞻岷山及離
堆則蜀之名勝洵足供詞林之紀述
蔚輿地之大觀匪徒詩頌蒸民書陳
方貢已也翥學殖淺陋年少家貧浪
遊江淮燕晉間每攬方輿所紀足跡
所經未嘗不臨風掩仰往復低徊獨
以蜀地僻遠介在蠻夷末由至止讀
太冲之賦蓋亦私心嚮往也戊辰仲
提南宮蒙

天子簡擢卽用縣令值蜀蠻不靖制府以
牧令良幹者請于朝蕭謬膺茲選卿

命惴惴愧無終軍之畧不能請纓赴南

越也時維涼秋七月金風送暑水淨

山明縱轡秦原驅車蜀道出褒斜入

雲棧飛身劒閣顧盼金牛覺眼光洞

放向之所閱歷者無此雄峻耳至成

都大吏方焦心勤思以師勞于塞民

二

困于田慮地方有司不克仰承上澤

重虐苦吾民俾石壕有中夜之呼杼

軸有東人之嘆其何以上慰

九重宵旰之憂而下拯元元之待命者乎

時江陽方訟其令苛命蕭往代江陽

戎州大邑也軍需供億甲于他邑蕭

以書生承茲重任兢兢焉若勿克負

荷唯有上宣德化下通民隱去其已

甚留其有餘以期經費無損民氣和
樂而已越歲 忠勇公以

王師入蜀戎衣底定

天恩滂沛賜復蠲租懽呼震山谷膏澤彌

草野全蜀之民復見太平而江陽之

山川人物熙熙然觸目會心矣乃新

令適至余例得替不暇淹留江陽父

老數百人上書攀留勿得斯時也甲

三

兵淨洗風物恬熙農夫相與嬉于郊

商賈相與歌于途士大夫相與慶于

庭俗茂美人殷庶一二長吏乃得與

民休息普絃歌之化發江漢之吟余

斯時方僕僕簡書有志未遑也已巳

冬役舊州庚午攝廣安篆辛未移江

州秋有武陽之

命幸得實授一方回憶三年之內捧檄

馳驅倏焉如寄人非至聖寧見芥月
之可治非循良何來三異之稱詎非
天助壯游之志不令早滯一隅俾三
巴百濮之奇牖我靈明乎武陽爲古
名郡彭山其南鄙也按常璩志云大
賢彭祖沒于其鄉厥後埋輪都尉陳
情洗馬相繼挺生眉山密邇秀絕寰
區雖經喪亂之餘名山石室蕩焉無

四

存按之史冊猶彰彰在人耳目間唯
復設之國河山猶昔風土已非觀風
所止當亦伯仲曹檜矣幸逢

國家雅化薰蒸百餘年來沐膏澤而
樂土者遍中外也益以邊圉綏靖時
穰年豐

各大憲奮庸熙載時時以教養民生課
于吏諸屬吏敢不恪共盡職時時以

教養民生報于上以興循良之選今
爲問彭之土田闢于舊乎曰歲取十
千矣爲問彭之學校異于昔乎曰蒸
我髦士矣夫轉移運會以贊時雍之
化者大吏之權也周知民俗以備輪
軒之貢者牧令之責也蕭不敏承乏
茲邑七載于茲會逢此閭井宴安之
日任專且久使無一事可紀一言可

五

述坐視此典籍散亡經猷不振又何
以對我多士百姓且報政大吏乎
顧自慚風塵挫落弁鄙無交而欲以
拘墟之見贊揚
盛軌是猶俯牛涔而窺滄海登蟻垤而
望太山已用集郡志所載源本舊聞
網羅軼事及復設縣治後制度典常
大而

國計民生之務小而鄉曲里巷之經悉

為纂入分志凡七戒溢而侈懼簡而

陋亦以左臆言縣恥盡此知非矜言

著述也志成呈之郡守海昌陳公暨

定甲乙惟公惟正司訓銅梁王君留

心典故校訛訂偽與有力焉邑之諸

君子以為武陽百餘年無志有之自

今日始請亟登之梨棗以光茲邑余

六

曰是奚敢云志則可謂武陽小乘云

爾勉從所請而付之梓後之嗣茲土

者其亦鑒余之衷也夫

肯

大清乾隆二十二年歲次疆圉赤奮若

小春中浣三日

賜進士出身文林郎邑令古虞張鳳翥題

于武陽官署之德風堂



地里志總序

昔黃帝受圖分土虞帝觀益地圖定十二州大禹臨

河鑄鼎括地象禹貢一書則有采甸侯衛要荒蠻夷

之制而地里以著時天下郡縣之名猶未定也周官

大司寇掌建邦之土地辨五土之物廣輪之數制其

畿疆溝封以會遂師遂大夫鄙師鄭長則各掌其政

令登其夫家比其衆寡而九州方鎮民物之數莫詳

於職方氏之制斯時天下郡縣之數尚未析也自秦

彭山縣志 卷之一 序

有守有丞有尉析周之縣正為令乃長其相地里於

之乎繫焉迫漢滅秦而先收其書遂具知天下

阨塞戶口多少之數先項羽定關中然則地里之

誌顧不重哉彭為梁州之外邑在周武王時隨庸蜀

羌擊之人會盟津厥後武王見於康秦健為名

郡見於西漢江州志云山線水之號隨時沿

革創志常要也山線山川猶在扼其形勝名

蹟未泯也志云古犍為地通衙平直又統志

云負山背河環以三江挹錦水為一統漢嘉為

翰苑武侯所稱蜀之雄圖者歟慨自潢池弄兵崑陵
俱碎巨寇跳梁於神都土賊蹂躪於鄉里秔稻之鄉
廢爲石田宮室之區鞠爲茂草版籍煨燼戶口逃亡
無蜀遂無彭矣

聖朝定鼎太和涵煦百年以來招集庶生者七千餘戶田
疇闢於舊土稅糧溢於額供黃蘗青陸之鄉僭稱衍
沃之地固已試望鬱蔥編分編錯分門紀載蔚然可
觀顧承平日久民安於田東人不呼椎冰無嘆偶以
西南供億用民力聚南頓潁川之詔時頒於司徒衙
彭山縣志 卷之一 序 二

歌巷舞所宜急書以見忠義之氣自在人心者也若
夫山川之物產井里之積儲樽節愛養端在司牧不
必侈說山經敷揚埤雅太冲之賦何補於斯作地里
誌分門十三

彭山縣誌序

余向著五涼誌仿之對山武功
每邑凡七篇所經咸取爲式至
蜀則行囊中僅平番一冊丙子
秋梧岡闢事畢携署修彭山誌
逾年誌成寄余覽之余見其詳
慎簡老淡愧五涼之未悉也曰
凡事之盡其心者不求工而自
工彭山之誌猶是地里建置溝
洫風俗官師人物藝文平番之
七篇而其間提綱絜領條分縷
析不緝不遺睂目清楚義蘊含
蓋想梧岡之訪求文獻經營慘
澹於執筆時也質聞見於神川

之內雞窻風雨周乎百里以外
徵之千載以上誰爲贊襄而不
殫厥志哉竊比老彭聖有明訓
而今日更知述作之難矣夫梧
岡之在彭也事無巨細不敢愆
忘往者緣修通濟堰余奉
制憲令偕建昌周視之吏役惟

二

謹市無龐襍民敦古處茆簷整
潔田野修治閭閻殊有靜氣山
川樸茂老者不負戴於途少者
咸歸於塾鮮遊戲者耕夫蓑笠
與饁餉之荆布皆敬而有禮余
與建昌異之以爲梧岡有實力
焉至與議復堰事宜數百年

水何以涸今於某處濬源委迤
曲折越某處達某處閱尾某處
堪潤澤不朽

制憲與藩司從其議自新津以
至眉州復田數萬餘畝父老傳
爲盛事以爲東坡鼓吹中流以
樂秔稻豐盈今當見之惜乎新

三

津徐令之已故也夫學者靜而
撻觚動而決策浮則非經綽則
無序卽留遺憾之端梧岡沉潛
於詩書吏治之中遙望乎磨針
之純密了翁之正當近復有岳
星源先生者撫循數省標名
聖世咸奉爲師而不敢不盡其心卽

彭山一誌可以知夙夜靖共之

一端是爲序皆

乾隆二十二年丁丑陽春穀旦


金臺張之浚謹撰




四










彭山縣志

卷之一 圖考

十



彭山縣志

卷之一 圖考

十一



